

Kroz projekt PRO-Budućnost, USAID, CRS i Fondacija Mozaik objavljuju
ČETVRTI POZIV ZA PRO-ACTIVE FOND 2016

Projekt Povjerenje, Razumijevanje, Odgovornost za Budućnost (u daljem tekstu: „PRO-Budućnost“) uz finansijsku podršku Američke agencije za međunarodni razvoj (USAID), implementira Catholic Relief Services (CRS) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla, Helsinškim parlamentom građana Banja Luka i Međureligijskijskim vijećem Bosne i Hercegovine.

PRO-Budućnost će podržati projekte koji imaju za cilj: (1) izgradnju povjerenja među različitim etničkim skupinama; (2) razumijevanje postojanja različitih političkih i historijskih narativa; (3) istaći i podržati učešće uticajnih osoba u inicijativama koje pokreću procese pomirenja; (4) jačanje saradnje između parova PRO-Budućnost zajednica.

Projekt PRO-Budućnost se provodi u 50 gradova/opština/općina (PRO-Budućnost zajednice) s ciljem izgradnje povjerenja među građanima svih etničkih skupina u Bosni i Hercegovini. PRO-Budućnost zajednice su: Grad Doboj- Općina Maglaj; Opština Teslić-Općina Tešanj; Opština Modriča-Općina Gradačac; Opština Petrovo-Općina Gračanica; Opština Ugljevik-Općina Teočak; Grad Prijedor-Općina Sanski Most; Opština Novi Grad-Općina Bosanska Krupa; Opština Drvar-Općina Glamoč; Općina Prozor/Rama-Općina Gornji Vakuf/Uskoplje; Grad Mostar-Opština Nevesinje; Općina Kladanj-Opština Vlasenica; Općina Foča FBiH-Opština Foča; Opština Novo Goražde-Općina Goražde; Opština Bratunac-Opština Srebrenica; Opština Istočno Novo Sarajevo, Opština Sokolac, Općina Usora, Opština Trnovo, Općina Trnovo, Grad Trebinje, Općina Doboj Jug, Općina Domaljevac-Šamac, Općina Odžak, Općina Sapna, Općina Livno, Općina Bosanski Petrovac, Općina Široki Brijeg, Općina Kalesija, Općina Žepče, Općina Bugojno, Opština Zvornik, Općina Centar Sarajevo, Općina Ljubuški, Općina Vareš, Općina Breza i Grad Zenica.

Pravo učešća na pozivu imat će i one zajednice koje tokom trajanja pozivu potpišu Memorandum o saradnji i priključivanju PRO-Budućnost projektu.

Odbor Mreže omladinskih banaka (u daljem tekstu: „Odbor MOBA-e“) koji je uspostavljen u okviru projekta PRO-Budućnost, će vršiti izbor najboljih projekata koji vode ka izgradnji pomirenja i povjerenja.

Javni poziv za prijedloge projekata otvoren je od 19. septembra/rujna do 26. oktobra/listopada 2016. godine

Ovaj fond ima na raspolaganju 90.000 KM da podrži mirovne projekte koje pokreću mladi.

Ko može podnijeti prijedlog projekta?

Neformalne grupe mladih, koji su aktivni i imaju volju, prijatelje, komšije i druge koji su spremni da pokrenu proces pomirenja i međusobnog razumijevanja.

Kriterij za dodjelu bespovratnih novčanih sredstava?

Eliminatorni kriteriji:

- Projekat podnosi najmanje 5 osoba u dobi od 15 do 30 godina koji čine projektnu grupu. Grupa MORA biti sačinjena od muških i ženskih članova/ica;
- Projekat tretira temu izgradnje pomirenja i povjerenja među različitim etničkim/nacionalnim grupama;
- Projekat uključuje različite etničke/nacionalne grupe u realizaciju aktivnosti;
- Projekat uključuje aktivnosti koje isključivo promovišu i podstiču pomirenje. Aktivnosti kao što su dijalog, zajedničke radionice sa temama pomirenja ili zajedničke aktivnosti koje promovišu pomirenje (***Vidjeti Prilog 8-Vodiča za Poziv PRO-Active fond 2016***);
- Projekat se mora realizovati na teritoriji jedne ili više PRO-Budućnost zajednica;
- Projekat se mora realizovati u periodu od 1. februara/veljače do 1. juna/lipnja 2017. godine;
- Iznos traženih sredstava ne može biti manji od 500 KM i veći od 2.000 KM;
- Podnosioci projekta moraju da prikupe najmanje 30%, a najviše 200% od traženog iznosa i da to dokažu priloženom dokumentacijom;

Specifični kriteriji:

- Projekat doprinosi izgradnji pomirenja i povjerenja među različitim etničkim/nacionalnim grupama;
- Projekat doprinosi izgradnji zajedništva koristeći prirodne, kulturne, historijske i bilo koje druge materijalne ili nematerijalne resurse;
- Projekat predviđa mobilizaciju članova zajednice kroz volonterski rad;
- Projekat je koristan za zajednicu;
- Projekat je provodljiv u okviru predviđenih sredstava, vremena i ljudskih resursa;
- Projektni rezultati su održivi nakon prestanka finansiranja i moguća je primjena modela rada u drugim gradovima/općinama/opštinama.

Šta PRO-Active fond ne podržava?

- Projekte koji su dostavljeni Fondaciji Mozaik putem pošte, faksa ili e-maila;
- Projekte sa primarno humanitarnom svrhom i projekte pojedinaca, nevladinih organizacija, udruženja, političkih partija i javnih institucija;
- Projekte koji pozivaju na bilo koji oblik nasilja i diskriminacije i promovišu alkohol, droge ili nezdrav način života;
- Projekte koji su već finansirani od strane Fondacije Mozaik, grada/opštine/općine ili nekih drugih donatora;
- Plate i honorare za članove/ice Projektne grupe;
- Plaćanje elektroničke opreme (foto aparati, računari, laptopi, kopiri i sl.) u iznosu više od 30% od dodjeljenog fonda;
- Troškove koji ne mogu biti plaćeni putem žiroračuna;
- Iznajmljivanje opreme (bilo koje vrste) od fizičkih lica.

Kako, kome i kada podnijeti prijavu prijedloga projekta?

- Zainteresovani mladi mogu prijaviti projekte putem web stranice www.mozaik.ba;
- Zainteresovani mladi će imati na raspolaganju detaljan [Vodič za Četvrti poziv PRO-Active fonda 2016](#), koji im može pomoći tokom procesa podnošenja prijave;
- Popunjavanje prijave projekta uz koju se prilažu prateći dokumenti (skenirane/fotografisane potvrde/dokazi o obezbjeđenom doprinosu drugih subjekata za projekat), treba izvršiti online najkasnije do **26.10.2016. godine (do 23:59 h)**.

Selekcija i rezultati!

- Odbor MOBAe će vršiti selekciju projekata, a rezultati se mogu očekivati u januaru 2017. godine;
- U toku selekcije je moguće da grupe dobiju zahtjeve za pojašnjenja vezana za prijave;
- Svi aplikanti će biti obavješteni o rezultatima poziva na e-mail navedenih koordinatora grupa;
- Po objavi rezultata će biti otvoren i žalbeni rok.